

ԴԱՆԵԱԿՑՈՒԹՅՈՒՆ-ԲՈՒՇԵՎԻԿՆԵՐ ՀԱՄԱԳՈՐԾԱԿՑՈՒԹՅԱՆ  
ԴՐԴԱՊԱՏՃԱՌՆԵՐԸ ԲԱԶՎՈՒՄՄ. Հովհաննիսյան  
Երևանի պետական համալսարան

Խորհրդային իշխանության գոյության ընթացքում Բաքվում 1917-1918թթ. տեղի ունեցած քաղաքական զարգացումներն անաչառ ուսումնասիրության չենթարկվեցին, որի արդյունքում քաղաքի և, ընդհանրապես, շրջանի պաշտպանության շուրջ թույլ տված սխալներն անբողոքությամբ քարդվեցին տեղի «ժակաբուլճիկյան» քաղաքական ուժերի, այդ թվում՝ Դաշնակցության վրա: Անեն կերպ բողաքվել կամ էլ խեղաթյուրվել է այդ տարիներին Բաքվում Դաշնակցության և բոլշևիկների միջև տեղ գտած հասագործակցության պատմությունը: Ներկայումս, երբ հնարավոր է դարձել «քացել շատ փակագծեր», կարիք կա վերանայելու նաև այս խնդիրը:

1917թ. հոկտեմբերյան հեղաշրջումից հետո Անդրկովկասում ձևավորվել էին երկու հիմնական հակադիր ճամբարներ: Դրանցից մեկը հակաբոլշևիկյան ճամբարն էր՝ Թիֆլիս կենտրոնով, իսկ մյուսը՝ բոլշևիկյան ճամբարը՝ Բաքու կենտրոնով: Հակաբոլշևիկյան տրամադրությունները հիմնականում գերիշխող էին վրաց և «աղբթեօանցի» քնակչության մեծամասնության վստահությունը վայելող մենշևիկյան և սուսավթական ուժերի շրջանում: Հայկական կողմի ներկայացուցիչ Դաշնակցությունն էլ «անվերագոթյան» մեջ էր հայտնվել այս երկու ճամբարների միջև: Կանգնելով բարդ ընտրության առաջ՝ նա փորձում էր միաժամանակ օգտվել բոլոր հնարավոր տարբերակներից. «... Թիֆլիսի Ազգային Խորհուրդը, - գրում է Ա. Գուլիսանդանյանը, - տաճիկների ճնշման տակ, յանուն հայ ժողովրդի փրկության, ստիպում է եղաւ, հակառակ իր սցզրունքներին, շեղումներ կատարել Դաշնակցուների վերաբերմամբ եւ Բաքումում հաշտութիւն կնքեց տաճիկների հետ: Մինչդեռ Բազուի Ազգային Խորհուրդը, գտնուելով տաճիկների ազնեցութիւնից մրանգամայն հեռու, որոշեց շարունակել Ազգային Խորհրդի նախկին քաղաքականութիւնը եւ, չկարողանալով հասակերպուել Բաթումի դաշնագրին, ու ինքն իրեն համարելով հայ ժողովրդի իսկական կամըը, սկսեց զբաղուել ընդհանուր հայութեան վերաբերեալ խնդիրներով: Այդ նպատակով նա պատգամատրութիւններ ուղարկեց Պարսկաստան՝ անգլիացիների մօտ եւ Մոսկուա՝ բոլշևիկների եւ գերմանների մօտ...»:՝ Նման բազմաբայլ կոմպրոմիսային սպիգըը Խորհրդային Ռուսաստանի հետ բարիդրացիական հարաբերությունների հաստատումն ու նրա օժանդակությունը ստանալն էր: Դրան հասնելու համար Դաշնակցությունը առաջին հերթին պետք է լեզու գտներ Անդրկովկասի բոլշևիկյան ուժերի հետ:

1917թ. նոյեմբերի 15-ին բոլշևիկները կարողացան Բաքվում իշխանությունը վերցնել իրենց ձեռքը:՝ Սակայն ավելի դժվար եղավ այդ իշխանությունը պահելը, ինչի համար էլ Բաքվում բոլշևիկները գնացին դաշնակցականների հետ հասագործակցության: Նման քայլն ուներ իր դրդապատճառները: Դրանցից ամենախոսունը Անդրկովկասում և, մասնավորապես, Բաքվում տեղի ունեցած ընտրությունների արդյունքներն էին: Անդրկովկասում բոլշևիկների ցածր վարկանիշի մասին առաջին հերթին փաստում էին Մահմանադիր ժողովի անդրկովկասյան ընտրությունները: Առաջադրված 36 բոլշևիկ թեկնածուներից ընտրվում է միայն մեկը՝ Մու. Շահումյանը, իսկ Կովկասի զինվորական ընտրական շրջանից էլ՝ բոլշևիկ Ա. Բադալը: Նույն

<sup>1</sup> Ա. Գուլիսանդանյան, Բազուի հերոսամատը, «Դայունից» անսագրի, ժԾ. տարի, թիւ 9/225, Դոսթըն, ուլիս, 1941, էջ 101-102:

<sup>2</sup> Տե՛ս Մ. Աղզունանյան, Ստեփան Շահումյան, Երևան, 1978, էջ 432-433, նաև Ս. Մելիքյան, Սոցիալիստ-հեղատոխականները Դայաստանում և Անդրոսյասի հայաշատ քաղաքներում 1900-1920թթ., Երևան, 1997, էջ 96: Դ. Մուսա, Դերմանսկսսի սմթերսալսւսւս և Յաւաւէսեւ և 1910-1918թթ., Մոսկու, 1978, շ. 89:

ընտրություններում ավելի մեծ թվով պատգամավորական տեղեր են ստանում հակաբոլշևիկյան ճանապարհի ներկայացուցիչներ համարվող մի շարք կուսակցություններ: Դրանցից առաջին տեղում էին մենշևիկները՝ 15 պատգամավոր, ապա իրար էին հաջորդում դաշնակցականները՝ 10 պատգամավոր, էւտեները՝ 8 պատգամավոր, մուսավաթականները՝ 7 պատգամավոր:<sup>3</sup> Նույն պատկերն արտացոլված էր Անդրկովկասի քաղաքական կյանքում: Բոլշևիկները չկարողացան իշխանության համար պայքարում լիարժեք հաղթանակի հասնել Անդրկովկասում: Դրա հիմնական պատճառը ոչ այնքան մի շարք բոլշևիկների անվճարակամությունն էր, ինչպես խորհրդահայ պատմագրության մեջ էր ընդունված համարել<sup>4</sup>, այլ բոլշևիկների՝ Անդրկովկասում ունեցած չարիքանք ցածր վարկանիշը, որի մասին էլ փաստում էին վերը նշված ընտրության արդյունքները: Համանման վիճակ էր նաև Բաքվում կայացած ընտրություններում: Սահմանադիր ժողովի 1917թ. նոյեմբերի 26-ին (դեկտեմբերի 9-ին) Բաքվի շրջանում անցկացված ընտրություններում քաղաքաբնակների ձայները քաշխվել էին հետևյալ հերթականությամբ. Դաշնակցություն՝ 12.157, Մուսավաթ՝ 9669, բոլշևիկներ՝ 9109, էւտեներ՝ 8328, կադետներ՝ 7346, մենշևիկներ՝ 3899, և երեք քաղաքական ուժեր ստացել էին շատ չնչին ձայներ: Բաքվի արհեստավորական շրջաններից ստացված ձայներն էլ քաշխվել էին այլ հերթականությամբ. Մուսավաթ՝ 12.066, էւտեներ՝ 8900, Դաշնակցություն՝ 7602, բոլշևիկներ՝ 5393, մենշևիկներ՝ 1483, կադետներ՝ 1088: Այլ պատկեր էր ստացվում զինվորականության տված ձայներից, բոլշևիկներ՝ 7699, էւտեներ՝ 1541, կադետներ՝ 620, դաշնակցականներ՝ 555, մենշևիկներ՝ 277, մուսավաթականներ՝ 21: Այսպիսով, կուսակցություններից յուրաքանչյուրի ստացած ընդհանուր ձայների քանակը հետևյալն էր. բոլշևիկներ՝ 22.201, մուսավաթականներ՝ 21.756, դաշնակցականներ՝ 20.314, էւտեներ՝ 18.769, կադետներ՝ 9054, մենշևիկներ՝ 5659:<sup>5</sup> Ցարիզմի տապալումից հետո բոլշևիկները Բաքվում դանդաղ քայլերով էին բարձրանում իշխանության սանդուղքով: Առաջին քայլը 1917թ. սեպտեմբերին նշանակված Բաքվի քաղաքային խորհրդի ընտրություններն էին, որոնց արդյունքում կուսակցությունները դասավորվում են հետևյալ հերթականությամբ. էւտեներ՝ 19 պատգամավոր, մենշևիկներ՝ 17, դաշնակցականներ՝ 16, մուսավաթականներ՝ 16, Դաշնակցության մուսուլմանների կուսակցություն՝ 12, բոլշևիկներ՝ 9, կադետներ՝ 8 և այլն:<sup>6</sup> Իրադարձությունների ակնառեսն կադետ Բ. Բայկովը գրում է, որ բոլշևիկները միայն ընտրությունների վերջում Բաքվում հայտնված զինվորականների կողմից ստացած քվեների միջոցով են կարողանում ապահովել այդ 9 պատգամավորական տեղերը, և ավելացնում. «Ղիներ դա, հավանաբար բոլշևիկներն ընդհանրապես ներկայացված չէին էլ լինի Բաքվի քաղաքային խորհրդում»:<sup>7</sup> Հոկտեմբերյան հեղաշրջման հաղթանակի արիքների վրա Բաքվի բոլշևիկները 1917թ. դեկտեմբերին նախանշեցին մեծ ընտրություններ, որոնցում նրանց հաղթանակը այդքան էլ լիարժեք չէր. բոլշևիկներ՝ 51 պատգամավոր, դաշնակցականներ՝ 41, ձախ էւտեներ՝ 38, աջ էւտեներ՝ 28, մուսավաթականներ՝ 21, մենշևիկներ՝ 11:<sup>8</sup> Նման արդյունքների դեպքում բոլշևիկները կարող էին հայտնվել Բաքվի խորհրդում ոչ թե հաղթանակած մեծամասնության, այլ մեկուսացված փոքրամասնության դերում: Դրա համար քավական էր, որ դաշնակցականները, աջ էւտեները,



<sup>3</sup> Տե՛ս Գ. Акоюн, Степан Шаумян. Жизнь и деятельность /1878-1918/, Москва, 1973, с. 145:

<sup>4</sup> Տե՛ս Լ. Խուրշուդյան, Ստեփան Շախումյան, Պետական և պարտիական գործունեությունը 1917-1918 թթ., Երևան, 1959, էջ 139-143:

<sup>5</sup> Տե՛ս Ս. Бельский и А. Манвелов. Революция 1917г. в Азербайджане /хроника событий/, Баку, 1927, с. 214:

<sup>6</sup> Տե՛ս «Архив русской революции» изданный. И. Гессеном, т. 9-10, Москва, 1991, с. 111:

<sup>7</sup> Նույն տեղը, с. 110:

<sup>8</sup> Տե՛ս Ս.Մ. Մելիքյան, նշվ. աշխ., էջ 117, նաև Я. Рамгаузер, Революция и гражданская война в Баку 1917-1918гг., ч. 1, Баку, 1927, с. 104; Ս. Աղզումսյանը և Ս. Մելիք-Ցուլյանը այլ թվային տվյալներ են բերում, որոնց աղբյուրներն, սակայն, կուսակցությունների գաղտեցած տեղերի հերթականությունը չի տալիս: Ս. Աղզումսյան, Ստեփան Շախումյան, Երևան, 1978, էջ 435; Ս. Մելիք-Ցուլյան, Բազուի հերոսամարտը, «Գայեմից» անսագիր, Գ. տարի, թի. 7/31/, մայիս, 1925, էջ 108:



մուսավաթականները և մենշևիկները համատեղ հանդես գալին: Խորհրդահայ պատմագրության մեջ, անկախ բոլոր հերոսաբաններից, չէին կարող անտեսել այս տեմդեմը. «Պետք է նկատի ունենալ, - գրում է Մ. Արզումանյանը, - որ այդ կուսակցությունները (դաշնակցական, մուսավաթական, աջ էսեռական, կաղետական, մենշևիկյան - Մ. Ն.) որոշակի ազդեցություն ունեին մասսաների մեջ: ... Եվ ինչ է, բոլշևիկներն, ըստ արժանվայն, գնում էին առկից, բայց մնացածների բոլոր գերակշռություն էր տալիս նրանց»:<sup>9</sup> Դեռ թարմ էին այս կուսակցությունների՝ միասին գործելու հիշողությունները, երբ վերջիններս համախմբվել էին հակաբոլշևիկյան Հանրային ապահովության կոմիտեում, ինչպես նաև, երբ 1917թ. մայիսի 11-ի Բաքվի նորընտիր խորհրդի նախագահի ընտրության ժամանակ նշված քաղաքական ուժերն այդ պաշտոնում ընտրում են էսեռ Սաքո Սահակյանին՝ խափանելով Եսեռյանի ընտրվելուն ուղղված բոլշևիկների ջանքերը: Այդպիսի սցենարի կրկնվելու հնարավորությունը լուրջ դրսևապատճառ էր, որպեսզի բոլշևիկները համագործակցության գնալին նշված քաղաքական ուժերից որևէ մեկին հետ: Հարց էր ծագում, թե ո՞ր ուժի: Սկզբնական շրջանում բոլշևիկները չէին կորցրել Բաքվի թաքարներից իրենց կողմը գրավելու իտյանը՝ նպաստելով միայն թաքար բոլշևիկներից կազմված Հումմեթ կուսակցության ստեղծմանը:<sup>10</sup> Այս «մուսուլման բոլշևիկների» կուսակցությունը՝ Ն. Նարիմանովի գլխավորությամբ, մեկ անգամ չէ, որ ապացուցում է իր գոյության անարդյունավետությունը: Բաքվի բոլշևիկները, չնայած չեն կասեցնում Հումմեթի գործունեությունը՝ հավանաբար պահելով նրան որպես «պահեստային ուժ», այնուամենայնիվ, ընտրություններում նրա ցույց տված արդյունքները ուղղակի ստիպում են բոլշևիկյան վերնախավին հայացքը բեքել դեպի Դաշնակցությունը: Դրսևապատճառներից մեկն էլ այն էր, որ այս կուսակցությունների միջև արդեն նկատելի էին համագործակցության նշաններ՝ ի դեմս «Թուրքահայաստանի մասին» դեկլեռտի և թիֆլիսյան համաձայնագրի\*։ Հենց այս համաձայնագրով էլ նախատեսվում էր լուրջ համագործակցություն Դաշնակցության ու բոլշևիկների միջև Անդրկովկասի տարածքում, այդ թվում նաև՝ Բաքվում: Բոլշևիկների ու դաշնակցականների միջև համագործակցության օգտին էր խոսում նաև առկա ռազմաքաղաքական իրադրությունը, որը հայությանը ուղղակի ֆիզիկական ոչնչացման առաջ էր կանգնեցրել: Նշված կուսակցություններից միայն Դաշնակցությունն էր, որ մինչև վերջ փորձելու էր խոչընդոտել թուրքական գործերի կողմից Բաքում գրավելու ծրագրի իրականացմանը, իսկ Մուսավաթը հակառակ դիրք էր զբաղեցնելու: Դրա պատճառն այն էր, որ բոլշևիկների ծրագրերում չէր նախատեսվում Բաքվի կորուստը, ուստի տրամաբանական էր, որ նրանք պետք է ձգտեին այս հարցում համագործակցել իրենց հետ համախոս ուժի՝ Դաշնակցության հետ: Դաշնակցականները ևս ձգտելու էին այդ համագործակցությանը՝ ելնելով ազգայնապահաման խնդրի պահանջից: Նման կարծիք ունեին նույնիսկ ռուս հակաբոլշևիկները: Գեմերալ Դեմիկինը, հիշելով հայ ժողովրդի ծանր վիճակը Հայաստանի հանրապետության հռչակումից առաջ և հետո, նշում է, որ Դաշնակցությանը ուղղակի անհրաժեշտ էր կապը Ռուսաստանի հետ, և ընդգծում. «Ցանկացած Ռուսաստանի, անկախ նրա քաղաքական կարգից, թելուզ և խորհրդային, միայն թե նա տիրապետեր ուժի և հայ ժողովրդին փրկելու հնարավորություն ունենար»:<sup>11</sup> Իսկ կաղետ Բ. Բայկովն իր հեթոթի գրում է, որ Բաքվում որքան վատ էր արտահայտվում թաքարների անջատողականությունը, այնքան ավելանում էր հայերի՝ ռուսամետ լինելու ցանկությունը. «Հայերի մեջ, - հիշում է Բայկովը, - ընդգծված կերպով խոսում էր ինքնապահպանման բնագրը: ... Հայերի հենց այդ

<sup>9</sup> Մ. Արզումանյան, Ստեփան... էջ 435:

<sup>10</sup> Տե՛ս «Архив русского...», с. 108:

\* 1917թ. դեկտեմբերի 4-ից մինչև հունվարի վերջը Թիֆլիսում Դաշնակցության ներկայացուցիչների և բոլշևիկների միջև ընթացած բանակցությունների արդյունքում կնքված համաձայնագրով նախատեսվում էր, որ Անդրկովկասի խորհրդայնացման գործում բոլշևիկները, ստանալով դաշնակցների օժանդակությունը, ապահովելու էին հայերի ֆիզիկական անվտանգությունը, ընդունելու էին որպես ինքնավար մարզ Արևելյան Հայաստանը Խորհրդային Ռուսաստանը կազմում և տալու էին Արևմտահայաստանին աննախություն:

<sup>11</sup> А. Демикун. Очерки русского смуты. Москва, 1991, с. 140:

հոգեբանական վիճակով էլ նաև բացատրվում էր նրանց՝ նույնիսկ բուլղարացիների հետ զնալու հակվածությունը: Հայերն անկեղծ ասում էին. «Մենք ուսմանը հետ ենք, եթե նույնիսկ նրանք բուլղարացիներ են»:<sup>12</sup> Քաղաքի քնակչության վիճակագրական տվյալներն ուղղակի «պարտադրում» էին բուլղարացիներին հաշվի նստել Դաշնակցության հետ: 1912թ. հունվարի 1-ի տվյալներով Բաքվի մահանգում հաշվառվել էր 846.553 մահմեդական (շիա և սուննի թաթարներ, վրացիներ, քրդեր, կովկասյան լեռնակազմներ), 167.814 ռուս, 115.621 հայ: Իսկ Բաքու քաղաքում նույն ժամանակ բնակվում էր 174.469 մահմեդական, 103.527 ռուս, 73.341 հայ:<sup>13</sup> Տվյալները մեկ տարի անց համաչափ փոփոխություն էին կրել: 1913թ. Բաքվի մահանգում բնակվում էր 72.6456 մահմեդական կրոնի ներկայացուցիչ (շիա և սուննի թաթարներ, վրացիներ, քրդեր, կովկասյան լեռնակազմներ), 178.420 ռուսներ, 116.918 հայեր: Նրանցից 175.185 մահմեդական, 103.902 ռուս, 74.066 հայ բնակվում էին Բաքվում: 1913թ. պաշտոնական վիճակագրական տվյալների համաձայն՝ Բաքվի մահանգում բնակվում էր 726.456 մահմեդական կրոնի ներկայացուցիչ (շիա և սուննի թաթարներ, վրացիներ, քրդեր, կովկասյան լեռնակազմներ), 178.420 ռուսներ, 116.918 հայեր: Նրանցից 175.185 մահմեդական, 103.902 ռուս, 74.066 հայ բնակվում էին Բաքվում:<sup>14</sup> Այսպիսի տվյալների հաստատումը ենթադրել է տալիս, որ մինչև 1918թ. սկիզբը Բաքվի բնակչության թվաքանակի հարցում, գրեթե մոտավորապես ու հայերի դեպքում, դժվար թե լուրջ տեղաշարժեր լինեին: Այնուհայտ էր, որ մոտավորապես մեծ մասը չէր ընդդիմանա երբայրապես թուրքիային, իսկ հայերը կորցնելու շատ բան ունեին: Չի բացառվում, որ տեղի բուլղարացիների պարագլուխների մեջ մեծամասնություն կազմող, ազգությամբ հայ գործիչների ազգային պատկանելիությունն էլ որոշակի դեր խաղացած լինել այդ համագործակցության կայացման գործում: Իրա հետ մեկտեղ՝ չի կարելի նաև բացառել անճանակալ կապերի գործունե՝ սահմանվորապես Ռուստոմի և Մտ. Շահունյանի դեպքում<sup>15</sup>:

Խոսքը տանք դաշնակցական ու խորհրդահայ պատմագրության ներկայացուցիչներին: Ռուբեն Դարբինյանը, խոսելով Բաքվում բուլղարացիների հետ Դաշնակցության համագործակցության մասին, նշում է. «Ու թեև մենք՝ Դաշնակցականներս, մեր գաղափարներով և քաղաքական ծգտումներով հակառակ էինք Խորհրդային իշխանութեան, բայց գտնելով թրքական մահացու վտանգին ներքե՛լ՝ հարկադրուած էինք պայքար չնդել բուլղարացիներու դէմ, սնանաւանդ որ Բազուի կամ կովկասեան Ատրայճանի մէջ հայութիւնը չէր կրնար հետապնդել ազգային ուրոյն քաղաքական յատուկ նպատակներ: Մենք հոն ունէինք միայն ինքնապաշտպանութեան խնդիրներ և այդ պատճառով ալ կ'աշխատէինք չէզոքութիւն պահել բուլղարացիներու և թրքական Մուսաւաքի հանդէպ, որոնք արդէն խուլ պայքարի մէջ էին իրարու հետ:

Սակայն, շուտով պարզուեցաւ, որ մենք չպիտի կարողանանք պահել մեր նախասիրած չէզոքութիւնը: Նախ որ՝ բուլղարացիները շատ տկար էին Բազուի մէջ և անխուսափելի պիտի ըլլար անոնց պարտութիւնը թրքական Մուսաւաքէն, որ լաւ զինուած՝ զօրագած էր տանրկ զինուորական գերիներու շնորհիւ: Երկրորդ՝ բուլղարացիներու պարտութենէն յետոյ, կասկած չկար, որ Մուսաւաքը պիտի հաշիւ մաքրէր հայերուս հետ: Եւ, վերջապէս, հայ զանգուածները չէին

<sup>12</sup> «Архив русского...», с. 116:

<sup>13</sup> Տե՛ս «Кавказский календарь на 1913 г.», под ред. А. Эльзенгера у Н. Стельмашука, Тифлис, 1912, с. 128 -131; Ա. Գյուլխանդանյանի հաղորդած տվյալների համաձայն Բաքու քաղաքում մահմեդականների թիվը հասնում էր 176.187-ի, ռուսներինը՝ 103.527-ի, հայերինը՝ 73.351-ի - Ա. Գյուլխանդանյան, Բազուի..., «Հայրենիք» անսագիր, ԺԹ. տարի, թիւ 9/225/ «Պոսթըն, յուլիս, 1941, էջ 93:

<sup>14</sup> Տե՛ս «Кавказский календарь на 1914 г.», под ред. А. Эльзенгера у Н. Стельмашука, Тифлис, 1913, с. 110 -113; 1913թ. Բաքվի վիճակագրական տվյալներ է հաղորդում նաև Բ.Իշխանյանը, ըստ որի մահմեդականների թիվը հասնում էր 101.803-ի, ռուսներինը՝ 67.730-ի, հայերինը՝ 57.040-ի - Բ.Իշխանյան, Վիճակագրական ուսումնասիրութիւն անդրկովկասեան ժողովուրդների, Բաքու, 1919, էջ 183:

<sup>15</sup> Տե՛ս Ա. Ալշուբեան, Ռուստոմ Բազուում, «Հայրենիք» անսագիր, ԼԳ. տարի, թիւ 11/369/ «Պոսթըն, նոյեմբեր, 1959, էջ 59; նաև «Ռուստոմ.մատուան մաթուումամտպիոն առթիւ», Պէյրուս, 1979, էջ 354:

կարող բոլորովին անտարբեր մնալ այն կռուի հանդեպ, զոր սկսած էին բուլեիկները Մուսաաթի դեմ, մանաւանդ որ անոնք (բուլեիկները) ոչինքն չէին խնայելիս՝ իրենց կողմը քաշելու համար հայերը»:<sup>16</sup> Այս մեկնաբանությունները գալիս են լրացնելու մեր նշած դրդապատճառները: Հետաքրքիր է, որ խորհրդահայ պատմագրության մեջ էլ եղան այդ համագործակցության վերաբերյալ սրափ գնահատականներ: Գ. Հակոբյանի մոտ կարող ենք. «Ուժերի հարաբերակցությունը (Բարվում – Մ. Հ.) այնպիսին էր, որ բուլեիկները չէին կարող միայնակ իշխանություն ձևավորել ու տանել իրենց ուղեգիծը»: Այնուհետև, անդրադառնալով Դաշնակցության՝ բուլեիկների հետ համագործակցելու շահերին՝ նա նշում է. «Բարվի դաշնակները զգուշանում էին գերմանա-թուրքական զավթիչների Անդրկովկաս գալուց, կողմնորոշվում էին դեպի Ռուսաստան և Բարվում աջակցում բուլեիկների իշխանությանը որպես համառուսական իշխանության մերկայացուցիչների»:<sup>17</sup> Ի մի բերելով երկու հեղինակների մեկնաբանությունները՝ գալիս ենք այն եզրակացության, որ այդ համագործակցության Բարվի փուլը երկու կուսակցությունների համար էլ կառուցված էր փոխշահավետության սկզբունքի վրա: Դաշնակցության համար դա թուրքական վտանգից պաշտպանվելու բուլեիկյան Ռուսաստանի նրաշիխքն էր, իսկ բուլեիկների համար՝ Դաշնակցության հնարավորությունների օգտագործման անհրաժեշտությունը: Փաստորեն, այս սկզբունքների անփոփոխ մնալով էր պայմանավորված նշված համագործակցության տևողությունը:

М.Оганисян: Мотивы сотрудничества партии Дашнакцутюн и большевиков в Баку.

В данной статье мы попытались представить те мотивы, которые способствовали сотрудничеству партии большевиков и Дашнакцутюн в г. Баку. Мотивов несколько: низкие показатели в выборах большевиков в городские и районные органы местного самоуправления, наличие разных национальностей, а именно: татар (азербайджанцев), армян, русских и т.д.

**M. Hovhannisyan: The motives of the cooperation of Dashnaksutyun and bolsheviks in Baku.**

In this article we tried to represent those reasons which contribute to the formation of relations between Dashnaksutyun and bolsheviks in Baku. The motives are-

The low rating results in the elections of the urban and regional local self governing bodies of Bolshevics, the presence of different nations especially of tatars /azerbajjanians/, armenians, russions and others.

<sup>16</sup> Ռ. Դարբինեան, Փոթորիկի օրերուն, «Գայրենիք» անսագիր, ԻԶ. տարի, թիւ 1/264/, Դոսթրն, 1948, էջ 22:

<sup>17</sup> Գ. Ագոյան, նշվ. աշխ., շ. 173: